

Ismail Sabri dilantik Perdana Menteri ke-9

Mohd Iskandar Ibrahim - Ogos 20, 2021 @ 5:13pm
mohd_iskandar@bh.com.my



KUALA LUMPUR: Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah berkenan melantik Datuk Seri Ismail Sabri Yaakob sebagai Perdana Menteri kesembilan.

Datuk Pengelola Bijaya Diraja Istana Negara, Datuk Indera Ahmad Fadil Shamsuddin, berkata pelantikan itu selepas baginda menerima surat akuan seramai 114 Ahli Dewan Rakyat sekali gus mencukupi untuk membentuk kerajaan.

"Dari surat-surat akuan tersebut seramai 114 Ahli Dewan Rakyat telah mencalonkan Yang Berhormat Datuk Seri Ismail Sabri Yaakob (Ahli Parlimen Bera), jumlah majoriti yang mencukupi untuk membentuk Kerajaan.

"Sehubungan dengan itu dan selaras dengan Perkara 40(2)(a) dan Perkara 43(2)(a) Perlembagaan Persekutuan, Seri Paduka Baginda telah berkenan melantik Yang Berhormat Dato' Sri Ismail Sabri bin Yaakob (Ahli Parlimen Bera) sebagai Perdana Menteri Malaysia ke-9," katanya dalam kenyataan hari ini.

BIODATA PERDANA MENTERI KE-9

Nama: Datuk Seri Ismail Sabri Yaakob

Tarikh lahir: 18 Januari 1960

Tempat lahir: Temerloh, Pahang

Pendidikan

- Sarjana Muda Undang-Undang (LLB) Universiti Malaya (UM) (1980)
- Tingkatan enam (6) di Jaya Akademik
- Sekolah Menengah Teknik Kuantan, Pahang (1976)
- Sekolah Menengah Air Putih, Kuantan, Pahang (1973)
- Sekolah Kebangsaan Bangau, Pahang (1967)

Keluarga

- Mendirikan rumah tangga pada tahun 1986 dengan Datin Seri Muhaini Zainal Abidin
- Mempunyai 4 cahaya mata seorang anak perempuan dan 3 anak lelaki iaitu:
 - Nina Sabrina
 - Gadaffi lebih dikenali sebagai Dafi
 - Nashriq
 - Iqbal

Kerjaya/Perkhidmatan

- 1985 - Peguam
- 1995 - 1999 - Setiausaha Politik kepada Menteri Kebudayaan, Kesenian dan Pelancongan
- 2008-2009 - Menteri Belia dan Sukan
- 9 April 2009 - 2013 - Menteri Perdagangan Dalam Negeri, Koperasi dan Kepenggunaan
- 2013 - 2015 - Menteri Pertanian dan Industri Asas Tani
- 2015 - 2018 - Menteri Kemajuan Luar Bandar dan Wilayah
- 12 Mac 2020 - Menteri Kanan (Menteri Pertahanan), (Kluster Keselamatan)
- 7 Julai 2021 - Timbalan Perdana Menteri Malaysia

Aktiviti/Kegiatan Luar/Lantikan Lembaga Pengarah

- 1987 - Ahli Majlis Daerah Temerloh
- 1996 - Ahli Majlis Perbandaran Temerloh
- 1995 - Ahli Lembaga Pengarah Lembaga Pahang Tenggara (DARA) & Ahli Lembaga Penggalakan Pelancongan Malaysia
- 1996 - Pengerusi Kompleks Sukan Negara Bukit Jalil

Politik

- 1987 - Ahli Jawatankuasa UMNO Bahagian Temerloh
- 1988 - Ketua Penerangan UMNO Bahagian Temerloh
- 1993 - Ketua Pergerakan Pemuda Bahagian
- 2001 - Timbalan Ketua Bahagian
- 2004 - Ketua UMNO Bahagian Temerloh & Ahli Parlimen Bera, Pahang

Anugerah

Darjah Mulia Seri Melaka (DMSM) - Datuk (2004)

Darjah Gemilang Seri Melaka (DGSM) - Datuk Seri (2020)

Darjah Indera Mahkota Pahang (DIMP) - Dato' (2005)

Sri Sultan Ahmad Shah Pahang (SSAP) - Dato' Sri (2008)

Seri Panglima Darjah Kinabalu (SPDK) - Datuk Seri Panglima (2020)